

Sakspapir

Saksbehandlar	Arkiv	ArkivsakID
Tore Svendsen	FA - U43	15/421

Saknr	Utval	Type	Dato
094/2015	Formannskapet	PS	02.09.2015

Søknad om dispensasjon - utviding av AK 11 Duesund

Vedlegg:

Søknad om dispensasjon frå kommuneplan i sjø - Utviding av AK område (11) vDuesund

KU Duesund 25-08

VS Engesund Fis

Engesund Fiskeop

Uttale - Masfjor

VS Søknad om di

Søknad om dispensasjon frå gjeldande kommuneplan i sjø - Utviding av AK område 11 ved Duesund

Rådmannen sitt framlegg til vedtak:

Framlegg til vedtak:

I medhald av pbl §19-2 vert søknaden om å dispensera frå arealdelen til kommuneplanen om å utvida AK 11 med ca 170 m i sørvestleg retning, ikkje godkjend.

Grunngjeving

AK 11 v/Duesund vart godkjend i samband med handsaminga av gjeldande kommuneplan. Dersom ein no utvidar området utan brei informasjon til medverknad, for å etablere eit større oppdrettsanlegg, er det ikkje i samsvar med plan- og bygningslova, jfr pbl § 11-17.

Saksopplysningar:

Bakgrunn

Engesund Fiskeoppdrett AS ynskjer å utvida anlegget sitt ved Duesund. Føretaket fekk i juni 2014 tilsegn på ein av dei mørkegrøne konsesjonane i gruppe C. Denne konsesjonen vil verte søkt samlokalisert og utvida på lokaliteten ved Duesund. I denne omgang gjeld søknaden om å utvida AK 11 med ca 170 m i sørvestleg retning.

Vurdering

Ved å utvida AK 11 med om lag 170 m, vil ein då få eit større område godkjend for oppdrett. Det vil i neste omgang føre til at området ved Duesund vil få ein langt større biomasse, utan at dei som benytter sjøområdet, strandsona og elles vil verta råka, har fått uttale seg til omsøkte utviding. Rådmannen er av den meining at ei utviding av slik storleik som ein her

ser, ikkje bør handsamast ved dispensjon, men bør vurderast i samband med revidering av kommuneplanen, som etter pbl kap 10 skal starta seinast eit år etter nytt kommunestyre, altså i 2016.

Uttale

Søknaden om dispensasjon har vore sendt til uttale hjå statlege styresmakter som vert råka. Fiskeridirektoratet si vurdering: «*Flytting av anlegget ved Duesund 100 – 200 meter lenger ut frå land vil etter vår vurdering ikkje få vesentlege konsekvensar for utøving av fiske. Det er ikkje registrert særskilt fiskeområde her, men me tek atterhald for at fortøyningsarrangementa ikkje kjem i berøring med fiskebruksområde som Fiskeridirektoratet har registrert i tilstøytande søområde. Dette er spørsmål vi vil koma attende til i samband med handsaming av eventuell søknad etter Akvakulturloven*».

Fylkesmannen i Hordaland si vurdering: «*Fylkesmannen rår frå at det vert gjeve dispensasjon til flytting og utviding av akvakulturanlegget AK 11 i Duesund, Masfjorden kommune. Det er viktig at det blir gjort ei grundig konsekvensutgreiing før det er aktuelt å flytte og utvide anlegget*».

Fylkesmannen vil dersom det vert gjeve dispensasjon, ha vedtaket oversendt for klagevurdering.

Engesund Fiskeoppdrett AS v/Rådgivende Biologer AS har arbeidd ut konsekvensanalyse slik fylkesmannen etterlyser, med slik konklusjon: «*Denne gjennomgangen sannsynleggjør at en flytting av anlegget og utvidelse av AK-område 11 ikkje vil medføre negative virkningar for naturmiljøet, eller øvrige samfunnsinteresser. Verken for forekomster av rødlistearter, prioriterte naturtyper eller det generelle artsmangfoldet vil bli mer påvirket ved en flytting ut frå land. Anlegget har i dag generelt liten virkning på bunnforholdene under anlegget, og flytting ut frå land vil medføre enda lavere belastning på strandsonen innenfor. Ny lokalitet og nytt anlegg vil dessuten medføre bedre fiskevelferd og oksygenforhold på lokaliteten og ville kunne redusere faren for spredning av sykdom til miljøet. Anlegget ligger i randsonen av et regionalt viktig (B) friluftsområde med fokus på «strandsonen». En flytting utover fra land vil verken påvirke strandsonen eller komme i konflikt med småbåtferdsl i sjøområdet rundt, tvert i mot vil det åpne opp for bedre ferdsel mellom anlegget og land*».

Høyring

Søknaden om dispensasjon har ikkje vore sendt på høyring, men berre sendt statlege styresmakter som vert råka, til uttale.

Fakta

Masfjorden kommune har ein kommuneplan, godkjend av kommunestyret 31.05.2012. Iflg pbl skal revidering av planen starta opp neste år, 2016. Ved handsaming av arealdelen vart ingen av akvakulturområda vurdert grundig med omsyn til storleiken på areala, men berre kor anlegga skulle liggja. Om framlegg til AK 11 hadde vore av den storleik som no vert omsøkt, så hadde den etter rådmannen sin vurdering, vorte godkjend. I kommuneplanssamanheng har ein, når det gjeld akvakulturområda, sett meir på arealavsettinga som rettleiande enn som kategorisk.

Konklusjon

Rådmannen rår frå at søknaden om dispensasjon vert godkjend avdi ein konsekvens av eit utvida område vil føra med seg ein auke i biomassane. Dette bør ålmenheita få seia noko om på førehand og då gjennom revisjon av eksisterande kommuneplan.

Formannskapet - 094/2015

FS - behandling:

Ordfører Karstein Totland orienterte om saka.

Saka vart drøfta.

Røysting:

Framlegg til vedtak frå rådmannen vert samrøystes tilrådd til kommunestyret.

FS - vedtak:

Framlegg til vedtak:

I medhald av pbl §19-2 vert søknaden om å dispensera frå arealdelen til kommuneplanen om å utvida AK 11 med ca 170 m i sørvestleg retning, ikkje godkjend.

Grunngjeving

AK 11 v/Duesund vart godkjend i samband med handsaminga av gjeldande kommuneplan. Dersom ein no utvidar området utan brei informasjon til medverknad, for å etablere eit større oppdrettsanlegg, er det ikkje i samsvar med plan- og bygningslova, jfr pbl § 11-17.